

ՅԷՈՂԻԿ ԵՒ ԻՐ ՆՈՐ ԵՐԿԸ

ՀԱՅ ՏՊԱԳՐՈՒԹԵԱՆ զորս հարիւրամեակին առթիւ մեզուաջան տարեցուցապիւր Թէոզիկ պատրաստած է իր տեաակին մէջ եզական գործ մը, որ կը բովանդակէ միջազգային և հայկական տպագրութեան պատմութիւնը, լայնօրէն տեղ տալով թրքահայ ժամանակակից և արդի տպագրիչներուն և գրաձուլիչներուն ընդարձակ գործունէութեանը, իրենց տպած գիրքերսով և թերթերով:

«ՏԻՊ ՈՒ ՏԱՌ» անունը կը կրէ բանասիրական այս շահեկան երկը, պարունակելով 150 գոհազան գեղեցիկ էջեր և Հայ տպագրութեան սկզբնաւորութենէն մինչեւ հիմայ երեւցած տպագր. բոլոր տառերէն նմոյշներ: Տպագրութիւնը սկսուած է արդէն Վ. և Հ. Տէր Ներսէսեան եղբարց կողմէ, որոնք սմէն խնամք և ջանք չեն խնայեր՝ այս գեղեցիկ գիրքը գեղարուեստական աննախընթաց տպագրութեամբ մը ի լոյս ածելու համար: Շնորհաւորելի է ՏԻՊ ՈՒ ՏԱՌԻ հեղինակը որ անհատական իր ոյժովը հրապարակ կ'իջնէ՝ մասնակցած ըլլալու համար Հայ Տպագրութեան 400 ամեայ Յորելեանին՝ զոր ուսասնայ մեր եղբայրները կը պատրաստուին այնքան փառաշուք տօնել ի մօտայ: